

Perasmian Jembatan Persimpangan Lebuhraya Tutong - Telisai

Oleh : Dk. Vivy Malessa Pg. Ibrahim
Foto : Hernie Suliana Haji Othman

TUTONG, Solasa, 14 April. - Satu lagi projek pembinaan sebuah jambat yang dikendalikan oleh Kementerian Pembangunan melalui Jabatan Jalan Raya (JJR), Jabatan Kerja Raya (JKR) telah pun siap dilaksanakan dan mula dibukakan untuk kegunaan lalu lintas.

Pembukaan rasmi jambat di Persimpangan Lebuhraya Tutong - Telisai / Jalan Perumahan Bukit Beruang berkenaan disempurnakan oleh Menteri Pembangunan, Yang Berhormat Pehin Orang Kaya Indera Pahlawan Dato Seri Setia Awang Haji Suyo bin Haji Osman, selaku tetamu kehormat majlis.

Majlis bermula dengan bacaan Surah Al Faatihah dan diikuti dengan penerangan ringkas mengenai projek yang disampaikan oleh Pengarah Jalan Raya, JKR, Yee Kok On.

Majlis diteruskan dengan pembukaan rasmi jambat tersebut yang disempurnakan oleh tetamu kehormat dengan diikuti dengan bacaan doa selamat.

Projek pembinaan jambat berkenaan merupakan salah satu projek di bawah Rancangan Kemajuan Negara Ke-10 (RKN10) yang mula dibina pada bulan April 2013 melalui penglibatan pemborong tempatan iaitu Surati Construction Sendirian Berhad dengan menelan belanja kira-kira BND18 juta.

Pembinaan jambat dihasratkan untuk menampung pertumbuhan jumlah lalu lintas disebabkan kecepatan pembangunan Skim Perumahan Bukit Beruang dan juga institusi pendidikan di kawasan

berkenaan, di samping meningkatkan mutu keselamatan para pengguna jalan raya serta memperkemaskan lagi sistem rangkaian Lebuhraya Tutong - Telisai dengan lebih teratur.

Projek ini juga telah menyediakan laluan keluar / masuk yang lebih selesa dan selamat menuju ke kawasan perumahan negara dan institusi yang ada di kawasan tersebut, selain menyediakan laluan jalan susur untuk berpatah balik bagi menggantikan laluan 'U-Turn' di lebuhraya berkenaan.

Menurut perancangan JJR, JKR, setakat ini sejumlah lima buah jambat telah pun dikenal pasti untuk dilaksanakan di sepanjang Lebuhraya Tutong - Telisai iaitu bagi Daerah Tutong untuk masa hadapan.

Dalam pada itu, JJR juga akan meneliti keperluan untuk menyediakan beberapa buah jambat bagi mengikut perancangan semasa pelan guna tanah di sepanjang kawasan lebuhraya tersebut untuk masa hadapan.

Antara beberapa persimpangan utama di sepanjang Lebuhraya Tutong - Telisai yang dikenal pasti untuk dinaik taraf termasuklah laluan menuju ke rancangan tapak industri Bukit Panggal, Jalan Sungai Basong, Jalan Sengkarai, Jalan Bukit Udal dan Jalan Tanjung Maya.

Projek tersebut adalah sebagai kesinambungan usaha Kementerian Pembangunan untuk meningkatkan mutu keselamatan dan keselesaan para pengguna jalan raya khususnya yang sering menggunakan lebuhraya tersebut.

Di samping itu, ia juga



MENTERI Pembangunan, Yang Berhormat Pehin Orang Kaya Indera Pahlawan Dato Seri Setia Awang Haji Suyo bin Haji Osman semasa merasmikan jambat di Persimpangan Lebuhraya Tutong - Telisai / Jalan Perumahan Bukit Beruang.

dihasratkan untuk membuka peluang perkembangan aktiviti sosioekonomi, di sepanjang kawasan Lebuhraya tersebut serta melancarkan pergerakan lalu lintas bagi mempercepatkan lagi perjalanan lalu lintas.

Dengan pembukaan jambat ini, JKR sukacita mengingatkan kepada orang ramai terutama para pengguna jalan raya supaya memandu dengan berhati-hati serta mengikut papan tanda yang disediakan demi memastikan keselamatan semua pengguna jalan raya yang lain.

Yang Berhormat Menteri Pembangunan semasa ditemui sejour selepas perasmian jambat tersebut menjelaskan projek tersebut bertujuan bagi memudahkan penduduk di RPN Bukit Beruang untuk keluar dari kawasan mereka, memandangkan jangkaan terdapat perubahan kawasan dan pertambahan penduduk di RPN berkenaan dan ia juga merupakan salah satu usaha bagi memberikan kemudahan kepada para penduduk di kawasan itu.

Hadir sama di majlis itu ialah

Ahli Majlis Mesyuarat Negara, Yang Berhormat Awang Haji Ramli bin Haji Lahit; Setiausaha Tetap (Teknikal dan Profesional) Kementerian Pembangunan, Dato Paduka Awang Haji Suhaimi bin Haji Gafar; Setiausaha Tetap (Pentadbiran dan Kewangan), Awang Haji Muhammad

Lutfi bin Abdullah; Timbalan Setiausaha Tetap, Awang Haji Marzuke bin Haji Mohsin; Pemangku Ketua Pengarah Kerja Raya; ketua-ketua jabatan dan ketua-ketua divisyen / unit dan pegawai-pegawai kanan Kementerian Pembangunan dan jabatan-jabatan di bawahnya.



MENTERI Pembangunan mendengarkan penerangan ringkas mengenai projek disampaikan oleh Pengarah Jalan Raya, JKR, Yee Kok On.



JEJAMBAT di Persimpangan Lebuhraya Tutong-Telisai dan Jalan Perumahan Bukit Beruang telah dibuka rasmi oleh Yang Berhormat Menteri Pembangunan.



PEMANDANGAN keadaan Lebuhraya Tutong-Telisai dari jambat yang menghubungkan ke kawasan Rancangan Perumahan Negara Bukit Beruang dan institusi pendidikan yang berdekatan yang telah dibuka rasmi.

Kolokium kongsi ilmu Islam

BANDAR SERI BEGAWAN, Isnin 13 April - Sebanyak 22 kertas kerja telah dibentangkan pada Kolokium Antarabangsa Jejak Warisan Ilmu Islam Brunei Darussalam 2015 yang diadakan di Universiti Islam Sultan Sharif Ali (UNISSA).

Kertas-kertas kerja tersebut mencakupi pelbagai isu berkaitan Syariah, Al-Qur'an dan As-Sunnah, isu kontemporari dalam Islam, Bahasa Arab dan Tamadun Islam, akidah dan pemikiran Islam yang dibentangkan oleh tenaga akademik UNISSA dan Universiti Kebangsaan Malaysia (UKM) serta pelajar-pelajar pasca-ijazah di kedua-dua buah institusi tersebut.

Kolokium yang bertemakan 'Perkongsian Ilmu Islam' ini dihasratkan untuk menjalin hubungan strategik dan perkongsian pintar antara UKM dan UNISSA, mendalami budaya penyelidikan di UNISSA dan budaya masyarakat Muslim di Brunei, di samping melahirkan graduan pengajian Islam yang berilmu pengetahuan, kompetensi dan berdaya saing dalam memenuhi keperluan masyarakat.

Kolokium juga diselenggarakan dengan program Global Touch of UKM dengan pengisian penjualan buku-buku terbitan UNISSA dan UKM sebagai pendedahan kepada orang ramai mengenainya sekali gus mengongsikan maklumat mengenai kelebihan UKM sebagai salah satu universiti penyelidikan dan merupakan universiti yang tertua di Malaysia.

Ia dianjurkan dengan kerjasama Pusat Pengajian Lopas Ijazah dan Penyelidikan, UNISSA dengan Persatuan Pelajar Siswazah Fakulti Pengajian Islam (PPSFPI) dan Persatuan Mahasiswa Fakulti Pengajian Islam (PMFPI), Universiti Kebangsaan Malaysia (UKM) serta Urusetia Program Pengajian Siswazah Fakulti Pengajian Islam (UPPS FPI).

Kolokium berkenaan merupakan salah satu aktiviti Jejak Warisan Ilmu Islam Brunei Darussalam 2015 yang bermula dari 11 hingga 15 April 2015 dengan tujuan untuk mendalami keilmuan penterjemahan, penerbitan dan penyelidikan Islam dalam kalangan mahasiswa pasca ijazahnya, di samping untuk merapatkan ukhuwah sesama Muslim di antara dua negara; Brunei Darussalam dan Malaysia.